

## Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 21.11.2017թ. թիվ 1707145825 որոշումն անփոփոխ, իսկ վարչական բողոքն առանց բավարարման թողնելու

մասին  
<<15>> 12 2017թ. 12 4-23225-12/12 4-1355

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գետրգի Հովհաննիսյանի դիմումի քննարկման արդյունքում ստեղծված նյութերը՝

## Պ Ա Ր Զ Ե Ց Ի

Երևան քաղաքի Կոմիտասի պողոտայի 23/2 շենքի 45 բնակարանի բնակիչ Գետրգի Հովհաննիսյանը Ճանապարհային ոստիկանությանը հասցեագրած դիմումով խնդրել է վերանայել վարչական տույժ նշանակելու մասին 21.11.2017թ. թիվ 1707145825 որոշումը՝ նշելով, որ համաձայն չէ որոշմամբ արձանագրված իրավախախտման հետ:

Դիմումի քննարկման արդյունքում պարզվել է, որ դիմումատուի փաստարկը վարչական ակտն անվավեր ճանաչելու հիմք չի կարող հանդիսանալ, քանի որ իրավախախտումն ամրագրած տեսանյութն հստակ ապացուցում է 07.11.2017թ. ժամը՝ 15:54-ին դիմումատուի կողմից Երևան քաղաքի Կոմիտաս - Վրացական փողոցների խաչմերուկի հատվածում <<Կանգ գիծ>> գծանշումը լուսացույցի արգելող ազդանշանի ներքո հատելու և երթևեկությունը շարունակելու փաստը:

Այսպիսով, դիմումատուի արարքում ակնհայտ է Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 1-ին մասի զանցակազմը, հետևաբար նրան վարչական պատասխանատվության ենթարկելու մասին որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

## Ո Ր Ո Շ Ե Ց Ի

1. Ճանապարհային ոստիկանության՝ վարչական տույժ նշանակելու մասին 21.11.2017թ. թիվ 1707145825 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Գետրգի Հովհաննիսյանին և ՃՈ ՏՄՀԽԱ կենտրոն:

  
Ե.Կարապետյան

## Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 06.11.2017թ. թիվ 1707055268 որոշումն անփոփոխ, իսկ վարչական բողոքն առանց բավարարման թողնելու մասին

<<15>> 12 2017թ. 17-4-23231-17/12-4-1356

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Գեորգի Հովհաննիսյանի դիմումի քննարկման արդյունքում ստեղծված նյութերը՝

## Պ Ա Ր Զ Ե Ց Ի

Երևան քաղաքի Կոմիտասի պողոտայի 23/2 շենքի 45 բնակարանի բնակիչ Գեորգի Հովհաննիսյանը Ճանապարհային ոստիկանությանը հասցեագրած դիմումով խնդրել է անվավեր ճանաչել վարչական տույժ նշանակելու մասին 06.11.2017թ. թիվ 1707055268 որոշումը՝ նշելով, որ ավտոմոբիլը գտնվել է անսարք վիճակում:

Դիմումի քննարկման արդյունքում պարզվել է, որ դիմումատուի փաստարկը վարչական ակտն անվավեր ճանաչելու հիմք չի կարող հանդիսանալ հետևյալ պատճառաբանությամբ.

Ճանապարհային ոստիկանության 06.11.2017թ. թիվ 1707055268 որոշման հիմքում դրված տեսանյութից ակնհայտ երևում է, որ դիմումատուին պատկանող տրանսպորտային միջոցը կանգնած է Երևան քաղաքի Թումանյան - Նալբանդյան փողոցների խաչմերուկի հատվածում կանգառն արգելված վայրում: Տեսանյութում տրանսպորտային միջոցի անսարք լինելը հավաստող որևէ դրվագ չկա և վարորդը որևէ գործողություն չի կատարում ենթադրյալ անսարքությունը վերացնելու ուղղությամբ:

Բացի այդ, տրանսպորտային միջոցի վթարային լուսային ազդանշանը միացնելուց հետո, դիմումատուի կողմից չի կատարվել ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 23-րդ կետի պահանջը և չի տեղադրվել <<Վթարային կանգառ>> ճանաչման նշանը, հետևաբար տրանսպորտային միջոցի անսարքության մասին պնդումն արժանահավատ համարել հնարավոր չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

## Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 06.11.2017թ. թիվ 1707055268 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Գեորգի Հովհաննիսյանին և ՃՈ ՏՄՀԽԱ կենտրոն:

  
  
**Ե.Կարապետյան**